

Date – 04/08/2025
Time - 7:30 -7:40Hrs
AKASHVANI AIZAWL

REGIONAL NEWS BULLETIN

HEADLINES (MORNING)

1. Lirtheia eizawng pawl ten Kawnpui leh Sairanga inkar kawng chak zawka siam theihna tura tlan chawlh an puan chu an kaltlangpui dawn.
2. Kawnpui leh Sairang inkar kawngpui khar anih dawn avangin Kawnpui atanga Aizawl lam pan bungraw phur lirthei 426 chhuah a ni.
3. Vawiinah BIMSTEC Traditional Music Festival vawi khatna New Delhi-a Bharat Mandapam ah tan a ni dawn.
4. Phillipines President Ferdinand R.Marcos Jr chu India-a ni nga cham turin vawiinah New Delhi a lo thleng angi.

<><><>

COMMERCIAL VEHICLES

Lirthei a eizawng pawl hrang hrangte chuan vawiin atanga ni 9 thleng NH 306 leh 6 a NHIDCL leh Mizoram Sorkar in Kawngpui siam lai mek chu hnathawh a chak zawk theihna tura tlan chawlh tura ruahmanna an lo siam tawh chu an kaltlangpui dawn.

Lirthei-a eizawng pawl 24 inzawmkhawm Joint Committee hian Ningani khan Mizoram chak lakna kawngpui chu chak zawka siam a nih theih na'n August ni 4-9 chhung Vairengte leh Sairang inkar kawngah tlan rih loh an tum thu an puang tawh a. Sorkar lam pawhin thlawpin police te nen ruahmanna siampui an ni.

(BYTE)

Hemi chungchangah hian Kolasib SP chuan NH 06 kawng siam mek chu chak lehzual a hmalak a nih theihna tura thurel bawhzuiin thupek a chhuah nghal a. Inrinni zan dar 7 atanga tukin dar 4:00 AM thleng lirthei tangkhang zawng zawng truck ke 14 nei chin hnuailam chhuah chhohna hun hawn a ni a. Tukin dar 4 atang chuan HMV Aizawl pan tur chu heng Police Checkgate hrang hrang i.e. Vairengte Police Checkgate, Bairabi Police Checkgate, Saiphai Police Checkgate leh Phaisen Police Checkgate-ah te dan vek tur a ni. Kawnpui thleng kal tur erawh chu Checkgate duty ten zawh chian hmasak a dan kher a ngai lo ang. Lirthei ke 14 nei chin chung lam tangkhang te tan Sorkarin eitur a buatsaih sak dawn bawk a ni.

Ningani, August ni 7 zan dar ruk atangin mipui nitin mamawh tuialhthei, eirawngbawlina gas leh buhfai hi Kawnpui leh Khamrang inkar

kawngpui-ah chhuah leh tan chauh a ní ang a. Aizawl atanga rawn kal te nen an tlan dan ruahmanna siam angin an tlan thei ang. Motor nawlpui erawh Inrinni August ni 9 zan dar 10:00 atangin Kawnpui leh Khamrang kawngpui-ah chhuah leh tan a ní ang a, Aízawl atanga rawn kalte nen an tlan dan ruahmanna siam angin an tlan thei ang.

Tlan chawlh puan hian bungraw phur (commercial vehicle) chiah a huam ang a. Bungraw inbanlet la tur a kal te 407 chin hnuai lam Aizawl atangin Kawnpui thleng tlang kawng (Durtlang-Zanlawn-Kawnpui) lamah an tlan thei dawn a ni. Helai a tlan dan tur erawh police te remruatna angin a ni ang a, 407 truck leh a tiatpuite chu zan dar 10 leh zing dar 5 inkaarang tlang kawnga kal phal a ni ang. Kawng siam na’na hnathawk te, lirthei che vel te leh duty te tibuai thei zawng a tumah khawsa lo turin mitin te an ngen bawk a ni.

<><><>

VEHICLE MOVEMENT

Kawnpui leh Sairang inkar kawngpui-ah Inrinni zan dar 8 atanga nimin chawhma dar 8 leh a chanve inkar chhung khan Kawnpui atanga Aizawl lam pan bungraw phur lirthei 426 chhuah a ni.

Aizawl lam pana kal lirthei chhuahte hi eirawngbawlina gas phur 39 bakah tuialhthei phur 32 (petrol phur 13 leh diesel phur 11 bakah a phur pawlh 7 leh thlawhna tui phur truck 1) te a ni a. Khamrang leh Mualkhang atanga Kolasib/Assam lam pan lirthei chhuah a awm lo. Lirthei la tangkhang zat hi Aizawl lam pan Rengtekawnah ke 14 nei chin chunglam 74 a la awm a. Kawnpui erawh chu lirthei che vel a tawp phawt loh chuan a hriat theih lohva. Assam lam pan hi Khamrangah 45 leh Mualkhangah 255 a la tangkhang bawk a ni.

He tih lai hian mipui nitin mamawh dang Inrinni chawhma dar 9 leh nimin chawhma dar 9 inkara Vairengte Supply check-gate paltlangte chu - bazara zawrh tur chi buhfai , alu , purun-sen , dailuah, tel , chi , chini , atta , maida , artui leh bawngnhute te a ni.

<><><>

NQAS

Mizorama Sawrkar damdawi-in 37-in National Quality Assurance Standards (NQAS) national certificate an nei ta.

Health department hotute sawi danin NQAS nei tawh sorkar damdawi-in 37 bakah hian sorkar damdawi in 22-in state level certificate nei tawhin national certificate result nghak mek 6 an awm bawk. India rama Sawrkar damdawi in tha tehnaah Kolasib District Hospital tling thar leh a. National Health Mission (NHM) Mission Director Dr. Lily Chhakchhuak hnen atanga thu dawn danin, India rama sawrkar damdawi in tha bik tehna NQAS-ah Kolasib District Hospital chu an tling thar a, tehna-ah za zela 96 point 39 a hmu. Mizoram puma District Hospital 12 awm zingah NQAS National Certificate hmu 7 an awm ta a ni.

Health Minister Pi Lalrinpuii chuan India rama damdawi-in tha bik thlan chhuah zinga Mizoram damdawi in an awm belh zel chu Mizoram tan mellung pawimawh tak a nih thu leh damdawi-in, district leh state-a thawktu zawng zawng te thawhrimna leh taimakna chhuanawm a tih thu sawiin, he'ng tehna te hi Sawrkar damdawi in pantu damlote chu a chhawr tangkai bertu tur an nih thu a sawi.

<><><>

ROAD BLOCK

Lunglei leh Lawngtlai inkar kawngpui Bualte daia leimin avangin lirthei engemaw zat an tangkhang mek.

Leimin avanga tangkhang mi 100 bawr te chu Thualthu Branch YMA hmalakna in Thualthu Bazar Shed ah Inrinni zan khan eirawngbawlsak an ni a. Heng khualzin tangkhangte hi a remchan dan angin mimal inah semin an riak a. Nimin tukah Bazar shed-ah vek Branch YMA te'n tukthuan an buatsaih sak leh a ni.

Lawngtlai/Siaha lam pan tur lirthei engemawzat chu Thualthu daiah nimin chawhma atang khan an tang tan a, a hnai vaiah lei laihna khawl a awm loh avangin, heng lirthei tang motor engemawzat te hi YMA Thualthu Branch hmalakna in, nimin chawhnu atang khan nam chhuah thin an ni a. Inrinni zan thleng khan Chhimlam pan tur motor, chirhdiak a tang te chu thirtieng, suahdur leh Bawngtuthlawh etc. hmangin thenfai thin niin motor te hi namchhuah leh thin an ni.

<><><>

EXCISE AND NARCOTICS

Mizoram Excise & Narcotics department chuan kumin kum tir atanga June thla thleng khan zu leh a kaihnawih an man bakah pawisa chawitir atangin cheng nuai 133, sing 6, sang 6 leh 663 an lalut.

Hemi kaihnawihah hian lirthei 105 manin heng zinga 43 hi lirthei ke hnih nei a ni a, LMV 59 leh HMV 3 a tel bawk. Hemi chhung vek hian excise & narcotics department hian Narcotics Drugs & Psychotropics Substances Act, 1985 hnuaiah mi 526 an man a, hemi dan hmanga thubuai siamsak mi 282 an awm. Zu khapna dan the Mizoram Liquor Prohibition Act, 2019 hnuaiah mi 2,833 man tawh niin, thubuai siamsak 3,169 an awm thung. Mizoram Excise Act, 1973 hnuaiah mi 174 man ni bawkin, thubuai siamsak 187 an awm a, thubuai siamsak zingah hian ramdangmi 37 an awm bawk a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

BIMSTEC MUSIC

Vawiinah BIMSTEC Traditional Music Festival vawi khatna New Delhi-a Bharat Mandapam ah tan a ni dawn. External Affairs Minister Dr.S.Jaishankar-a chuan he hun hi a hawng dawn a. India, Bangladesh, Bhutan, Myanmar, Nepal, Sri Lanka leh Thailand atangin artist an kalkhawm dawn a ni. BIMSTEC Music Festival hi Indian Council for Cultural Relations (ICCR) huaihawt niin a hmingah Saptasur: Seven Nations, One Meledy vuah a ni a. BIMSTEC ram pasarihte atangin rimawi chi hrang hrang tarlan a ni ang.



PLASTIC MANIPUR

Manipura hmankhat daih plastic ti bo tura beihpui thlaknaah kumin April ni 19 atang khan Imphal khawpuiah plastic bag kg 4464 chuang man a ni tawh. He beihpui hi Imphal Municipal Corporation, Manipur Pollution Control Board leh Environment Department , Manipur Police leh Climate Change Manipur te thawkho hmalakna a ni a. An plastic man khawmte hi Meghalaya-a Ribhoi ah tangkai zawka hman turin thawn an ni.



PHILLIPINES

Phillipines President Ferdinand R.Marcos Jr chuan India-a ni nga cham turin vawiinah New Delhi a lo thleng ang. President Marcos hi First Lady Louise Araneta Marcos leh sawrkar mi pawimawhten an rawn tawiawm dawn a . An zingah hian Cabinet Minister leh official senior te an tel ang. Sumdawng engemawzatin an rawn zui dawn bawk a ni.

India-a a cham chhungin Prime Minister Narendra Modia leh President Droupadi Murmu te hmu dawn a ni..

